

豐城縣志

豐城縣志卷之五

學校志

學宮

學制 學田 學業 附 書院社學附

學以明倫三代共之大哉

孔子為萬世師千秋崇祀廟貌崔巍

題贊聯額

宸翰淋漓明禮備樂享用多儀造士選士咸出於斯四境嚮
學競設皋比考課如式膏火優資良法美意茂矩隆規
必恭敬止斯文在茲作學校志

學宮

豐城縣志

卷之五

學宮

一

歷朝修建學宮紀畧

唐永徽二年遷縣治於章水東建學於治東南

宋紹熙十三年縣令雷繼遠遷建治東即今所黃次山記

胡令璉余令畚增修劉令卿月購范氏地廣其後

元至元二十三年陞為州學州守陳元凱修之大德二年

姚守用中復修揭傒斯記皇慶元年李學授克家增修

元末燬惟大成殿存

明洪武元年周尹強立重建二年復改州為縣學知縣林

弼作櫺星門知縣朱瑄張敬及楊譽先後增修宣德四
年布政使陳智命鄭子明聶伯墳重修胡儼記成化二

年主簿王燧加修十四年副使洪下檄知縣周芳縣丞朱萱重建基視舊高增六尺廣增四尺有奇張元禎記宏治七年知縣劉燧復修知縣何洽改濬泮池嘉靖間巡撫盛應期參政徐讚檄知縣李章重新楊廉記十年奉旨撤像易以木主萬厯間知縣吳達可韓文相繼修葺四十二年通判陶以詩購民居拓地增修吳道南記明末圯

國朝順治十二年知縣宗彝重建有記十七年知縣何士錦增新陸履敬記康熙年間知縣房廷楨莫風鯤蔡毓華王鎬薛景瑩盧佐斌王履仁雍正年間知縣楊芊劉象

豐城縣志

卷之五

學宮

一一

賢均修葺乾隆四年教諭盛逢瀾暨邑紳謀重建知縣楊志道倡率合邑捐銀伍千兩邑紳金華府通判李堡捐銀一千兩悉撤舊新之盛逢瀾記乾隆四十年職員呂仕麟復捐二千四百餘金修葺嘉慶十一年知縣朱如金勸諭合邑撤舊重新道光五年復修二十六年重修

大成殿及兩楹同治三年九月

准給事中王憲成奏

勅各直省勘修學宮四年合邑奉憲各坊照舊分修

大成殿

八架二十六楹週迴磨磚夾柱石廊二十六楹南面牌坊上豎大成殿匾基址高三尺五寸直五丈八尺

橫八丈柱高三丈九尺六寸雕雲飛檐黃瓦龍吻如三
方向壬丙兼亥巳殿前露臺三面石扶欄旁二道中制
道級九高三尺直一丈七尺橫五丈零木石工料視舊
有加邑紳朱國幹萬寅昺金初衍陸毓珩四人工修見
藝文道光二十六年三月江口萬介璋萬杰萬鍾祿重修
同治四年城內陸姓一坊朱姓五坊萬姓重修殿前露
臺朱陸二
姓重修

兩廡

在殿東西翼各六架十二楹列祀先賢先儒七坊修
同治四年合坊勸捐重修

兩廊

在殿東西翼各四架八楹同治四年五坊重修

櫺星門

在露臺前四架十二楹四坊攏山熊懋墜熊正
盛修同治四年合坊勸捐重修

名宦祠

兩祠分列櫺星門東西各四架十二楹併禮門義
路兩門九坊修同治四年合坊勸捐重修

戟門

在泮池前自大成門階下及泮池併宮牆悉鋪紅
石三坊修同治四年合坊勸捐重修

鬢牆

週迴十八丈五尺高一丈六尺東西為門匾曰德
配迴地道冠古今道光二十六年一坊辛姓修同

豐城縣志

卷之五

學宮

三

治四年辛
姓重修

崇聖殿

舊在學宮西北隅後遷建大成殿明倫堂後四架十
四楹前四石柱重簷宏廠高廣相稱東西兩廡三面

圍牆方向如禮殿二坊修
同治四年合坊勸捐重修

明倫堂

在大成殿後明洪武二年知縣林弼建後屢有修
葺國朝乾隆五十六年呂林盛復修嘉慶十二

年在城涂必松重新其制四架二十二楹週迴圍牆環
衛鞏固同治四年涂賢香重修

尊經閣

舊合秀傑樓為一後增建四架十六楹高閣聳峙
週以石垣五坊修同治四年重修

江山秀傑樓

舊在明倫堂後稍東元州尹陳元凱荆建用
朱子詩江山多秀傑名樓下為三傑祠祀建邑

賢盛璫于革劉充乾隆四十年徙建明倫堂後正中五
十六年在城盛元鑑六坊于合宗重修葺嘉慶十二年

復遷新修崇聖祠之右四架于蘭若于萬全復修同治四
于盛二姓合修道光四年于蘭若于萬全復修同治四

年劉姓捐貲重修于
盛二姓幫助修費

舊志云樓建於元州守陳元凱皇慶間教授李克達
改塑王季友增徐孺子於東方左右列祀名賢曰達
尊祠改塑朱文公增胡安定像曰景行祠元水燬明
洪武年知縣姚瑾復建樓五間祀文昌正統五年陳
僉憲撤文昌神像刻先師貌於上更名正誼傑宏治時
知縣劉燧新之復曰秀樓東南有文林堂瑞芝堂
歲久圯國朝康熙元
年知縣何士錦復建

魁星閣 舊在學門內後買劉姓地移建學門內之東四尺
十楹閣高三丈一尺廣二丈四尺直二丈四尺

八坊洛溪呂忠稷修同
治四年入坊復公修

儒學門 在舊所高二丈一尺廣直相稱磨磚護柱呂忠
稷修同治四年合邑公修

忠義孝弟祠 雍正元年命各省學宮建忠義孝弟祠
舊未創立是年始補建即崇聖祠舊址四架

十六楹週迴石垣二坊源嶺朱光
詔修同治四年合坊勸捐重修

文昌宮 在文廟東瓘山熊揚銓新建址前街後湖東至劉
姓祠其制享堂先代神寢頭門凡三重及兩廊共

豐城縣志 卷之五 學宮 四

八十八楹同治四
年四坊勸捐重修

正學祠 舊在治東省牲亭北祀朱子以邑賢李材徐即登
配康熙十年知縣房廷楨建同治九年五坊教職

李福亨專修移
于尊經閣之左

學制

聖謨

御製卧碑文頒勒各學

順治九年

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

豐城縣志

卷之五

學制

五

一生員立志當學爲忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠惰
一軍民一切利病不許生員上書陳言如有一言建白以違制論黜革治罪
一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

欽頒訓飭士子文

康熙四十一年

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務

豐城縣志

卷之五

學制

六

期風教修明賢才蔚起庶幾樞樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有敘爾諸生幼聞庭訓長列宮牆朝夕誦讀甯無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化僑盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行己多愆或蜚語流言脅制官長或隱糧包訟出入公門

或唆撥姦猾欺孤凌弱或招呼朋類結社邀盟乃如之人
名教不容鄉黨弗齒縱倖脫褫扑濫竊章縫返之於衷甯
無愧乎况夫鄉會科名乃掄才大典關係允鉅士子果有
眞才實學何患困不逢年顧乃標榜虛名暗通聲氣夤緣
詭遇罔顧身家又或改竄鄉貫希圖進取囂浚騰沸網利
營私種種弊端深可痛恨且夫士子出身之始尤貴以正
若茲厥初拜獻便已作奸犯科則異時敗檢踰閑何所不
至又安望其秉公持正爲國家宣猷樹績膺後先疏附之
選哉朕用嘉惠爾等固不禁反覆惓惓茲訓言頒到爾等
務共體朕心恪遵明訓一切痛加改省爭自濯磨積行勤

學以圖上進國家三年登造束帛弓旌不特爾身有榮卽
爾祖父亦增光寵矣逢時得志甯俟他求哉若仍視爲具
文玩愒勿警毀方躍冶暴棄自甘則是爾等冥頑無知終
不能率教也旣負栽培復干咎戾王章具在朕亦不能爲
爾等寬矣自茲以往內而國學外而直省鄉校凡學臣師
長皆有司鐸之責者並宜傳集諸生多方董勸以副朕懷
否則職業弗修咎亦難逭勿謂朕言之不預也爾多士尙
敬聽之哉

欽頒訓飭士子文

乾隆十年

士爲四民之首而大學者教化所先四方於是觀型焉比

者聚生徒而教育之董以師儒舉古人之成法規條亦既
詳備矣獨是科名聲利之習深入人心積重難返士子所
爲汲汲皇皇者惟是之求而未嘗有志於聖賢之道不知
國家以經義取士使多士由聖賢之言體聖賢之心正欲
使之爲聖賢之徒能豈沾沾焉文藝之末哉朱子同安縣
諭學者云學以爲己今之世父所以詔其子兄所以勉其
弟師所以教其弟子弟子之所以學舍科舉之業則無爲
也使古人之學止於如此則凡可以得志於科舉斯已爾
所以孜孜焉愛日不倦以至於死而後已者果何爲而然
哉今之士惟不知此以爲苟足以應有司之求矣則無事

於汲汲爲也是以至於惰遊而不知反終身不能有志於
學而君子以爲非士之罪也使教素明於上而學素講於
下則士子固將有以用其力而豈有不勉之患哉諸君苟
能致思於科舉之外而知古人之所以爲學則將有欲罷
不能者矣觀朱子此言洵古今通患夫爲己二字乃入聖
之門知爲己則所讀之書一一有益於身心而日用事物
之間存養省察闡然自修世俗之紛華靡麗無足動念何
患詞章聲譽之能奪志哉况卽爲科舉亦無礙於聖賢之
學朱子云非是科舉累人人累科舉若高見遠識之士讀
聖賢之書據吾所見爲文以應之得失置之度外雖日日

應舉亦不累也居今之世雖孔子復生也不免應舉然豈能累孔子也朱子此言卽是科舉中爲亡之學誠能爲己則四書五經皆聖賢之精蘊體而行之爲聖賢而有餘不能爲亡則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲亡者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

豐城縣志

卷之五

學制

九

聖籍

康熙五十三年

御製周易折衷暨朱子全書成頒行各學

雍正五年

命將

聖祖欽定書經彙纂詩經彙纂春秋傳說彙纂

御製性理精義刊板頒行各學

頒學現存書

未詳年月道光四年查載

欽定周官義疏

欽定儀禮義疏

欽定禮記義疏

周易述義

御製日講四書解義

御批通鑑綱目

明史 綱鑑正史約

評鑑闡要

大學衍義

授時通考

上諭雍正年頒發

學政全書

豐城縣志

卷之五

學制

十

國朝崇儒鉅典

歷朝封號攷附

順治二年祭酒李若琳奏加孔子諡號大成至聖文宣

先師孔子疏下禮臣議奉

聖旨加稱大成至聖文宣先師孔子

康熙五十一年奉

旨以先賢朱子特升配大成殿十哲之次

康熙五十四年從江南學政余正健請以宋儒范仲淹

從祀

雍正元年

詔追封木金父公為肇聖王祈父公為裕聖王防叔公為詒聖

王伯夏公爲昌聖王叔梁公爲啟聖王改啟聖祠爲崇聖祠

命各省學宮建忠義孝弟祠仍建節孝祠於學宮之外

雍正二年奉

旨以改祀於鄉之林放蘧瑗鄭康成范甯及罷祀之秦冉顏何俱復祀孔子弟子縣亶牧皮孟子弟子樂正克公都子萬章公孫丑漢諸葛亮宋尹焞黃榦陳淳何基王柏魏了翁元金履祥許謙陳澔趙復明羅欽順蔡清

本朝陸隴其十六人俱增祀宋張載之父張迪增祀崇聖祠

豐城縣志

卷之五

學制

十一

五年奉

上諭先師誕辰一日齋戒諱名加卞爲邱

乾隆二年

詔以元儒吳澄從祀

三年升有子爲十二哲

道光二年閏三月從御史馬步蟾請以明儒劉宗周從祀原西廡今移東廡位列先儒呂柟之次

三年二月從通政使參議盧浙請以原任尙書湯斌從祀原東廡今移西廡位列先儒黃道周之次

五年以先儒黃道周從祀西廡位列先儒呂坤之次

六年以先儒呂坤從祀西廡位列先儒王守仁之次

又以先儒陸贄從祀東廡位列先儒范甯之次

八年以先儒孫奇逢從祀原西廡今移東廡位列先儒
劉宗周之次

二十三年以先儒文天祥從祀原西廡今移東廡位列
先儒何基之次

二十九年以先儒謝良佐從祀東廡位列先儒司馬光
之次

咸豐元年以先儒李綱從祀原西廡今移東廡位列先
儒羅從彥之次

豐城縣志

卷之五

學制

十二

二年以先儒韓琦從祀原東廡今移西廡位列先儒胡
瑗之次

三年以先賢公明儀從祀原東廡今移西廡位列先賢
秦冉之次

七年以先賢公孫僑從祀原西廡今移東廡位列第一
又以先賢孟皮配饗

崇聖祠

九年以先儒陸秀夫從祀西廡位列先儒王柏之次

十年以先儒曹端從祀原東廡今移西廡位列先儒許
謙之次

同治二年以先儒毛亨從祀東廡位列先儒伏勝之次
又以先儒方孝孺從祀東廡位列先儒陳澹之次
又以先儒呂柟從祀原西廡今移東廡位列先儒羅
欽順之次

七年以先儒袁燮從祀西廡位列先儒呂祖謙之次
歷代封號攷

漢平帝元始元年追諡褒成宣尼公

東漢和帝永元四年封褒尊侯

比魏孝文帝太和十六年改諡文聖尼父

後周靜帝大象二年封鄒國公

豐城縣志

卷之五

學制

十三

隋文帝贈先師尼父

唐太宗貞觀二年尊爲先聖十一年尊爲宣父

高宗顯慶二年尊爲先師乾封元年追贈太師

天授元年封贈爲隆道公

元宗開元二十七年追諡爲文宣王南向坐

宋眞宗大中祥符元年加諡元聖文宣王五年改封至聖

文宣王徽宗崇甯元年詔追封孔鯉泗水侯孔伋沂水

侯

元武宗大德十一年詔加封大成至聖文宣王

文宗至順元年加封齊國公爲啟聖王顏母爲啟聖夫

人

明太祖洪武初年封爵仍舊嘉靖九年詔從張璁請改稱
至聖先師孔子
餘各封諡不備志

聖藻

康熙二十三年

御書萬世師表匾額頒懸各學

雍正四年

御書生民未有匾額頒懸各學

乾隆二年

豐城縣志

卷之五

學制

十四

御書與天地參匾額頒懸各學

嘉慶四年

御書聖集大成匾額頒懸各學

道光元年

御書聖協時中匾額頒懸各學

咸豐元年

御書德齊疇載匾額頒懸各學

同治元年

御書聖神天縱匾額頒懸各學

御製至聖先師贊并序

康熙二十五年

蓋自三才建而天地不居其功一中傳而聖人代宣其蘊
有行道之聖得位以綏猷有明道之聖立言以垂憲此正
學所以常明人心所以不泯也粵稽往緒仰遡前徽堯舜
禹湯文武達而在上兼君師之寄行道之聖人也孔子不
得位窮而在下秉刪述之權明道之聖人也行道者勲業
炳於一朝明道者教思周於百世堯舜文武之後不有孔
子則學術紛淆仁義湮塞斯道之失傳也久矣後之人而
欲探二帝三王之心法以爲治國平天下之準其奚所取
衷焉然則孔子之爲萬古一人也審矣朕巡省東國謁祀
闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道
莫由惟皇建極惟后綏猷作君作師垂統萬古曰惟堯舜
禹湯文武五百餘歲至聖挺生聲金振玉集厥大成序書
刪詩定禮正樂既窮象繫亦嚴筆削上紹往緒下示來型
道不終晦秩然大經百家紛紜殊途異趣日月無踰羹牆
可晤孔子之道惟中與庸此心此理千載所同孔子之德
仁義中正秉彝之好根本天性庶幾夙夜勗哉令圖溯源
洙泗景躅唐虞載歷庭除式觀禮器摛毫仰贊心焉遐企
百世而上以聖爲歸百世而下以聖爲師非師夫子惟師
於道統天御世惟道爲寶泰山巖巖東海泱泱牆高萬仞

夫子之堂孰窺其藩孰窺其徑道不遠人克念作聖

御製顏子贊 康熙二十八年

聖道早聞天資獨粹約禮博文不遷不貳一善服膺萬德
來萃能化而齊其樂一致禮樂四代治法兼備用行舍藏
王佐之器

曾子贊

洙泗之傳魯以得之一貫曰唯聖學在茲明德新民止善
爲期格致誠正均平以推至德要道百行所基纂承統緒
修明訓辭

子思子贊

豐城縣志

卷五

學制

十六

於穆天命道之大原靜養動察庸德庸言以育萬物以贊
乾坤九經三重大法是存篤恭慎獨成德之門卷之藏密
擴之無垠

孟子贊

哲人既萎楊墨昌熾子輿闢之曰仁曰義性善獨闡知言
養氣道稱堯舜學屏功利煌煌七篇並垂六藝孔學攸傳
禹功作配

御製四賢贊并序 乾隆十三年

聖門弟子三千其賢者七十有二人史記家語各爲紀其
姓氏考其事迹以垂之後世而能契夫子之心傳得道統

之正脈者則惟顏曾思孟四人顏子得克己復禮之說曾子與聞一貫之傳親炙一堂若堯舜禹之相授受復乎尙矣子思師事曾子發明中庸之道而歸其功於爲己謹獨孟子當戰國橫流之時私淑子思距楊墨閑聖道而養氣之論爲前聖所未發昌黎韓子以爲其功不在禹下有以也庚戌秋偶閱有宋諸儒傳因思宋儒所宗者孔子之道也孔子之道賴顏曾思孟而傳今聖廟祀典四子升配堂上爲百代之楷模因各係以贊用誌景行之私云爾

復聖贊曰貧也者吾不知其所惡壽也者吾不知其所慕德以潤身孰謂其貧心以傳道孰謂難老簞瓢陋巷至樂

不移仰高鑽堅三月無違夫子有言克己成性用致其功允成復聖

宗聖贊曰宣聖轍環在陳興歎孰是中行授茲一貫曾子孜孜惟聖依歸唯而不疑以魯得之會友輔仁任道重遠十傳釋經超商軼偃念彼先子沂水春風淵源益粹篤實春容臨深履薄得正以終三千雖多獨得其宗

述聖贊曰天地儲精川嶽萃靈是生仲尼玉振金聲世德作求孝孫維則師曾傳孟誠身是力眷茲後學示我中庸位天育物致和致中夫子道法堯舜文武紹乃家聲述乃文祖

亞聖贊曰戰國春秋又異其世陷溺人心豈惟功利時君
爭雄處士橫議爲我兼愛簧鼓樹幟魯連高風陳仲廉士
所謂英賢不過若是於此有人入孝出弟一髮千鈞道脈
永繫能不動心知言養氣治世之畧堯舜仁義愛君澤民
惓惓餘意欲入孔門非孟何自孟丁其難顏丁共易語默
故殊道無二致卓哉亞聖功在天地

享祀諸制

頒定祀典

歲春秋二仲月以上丁日記

先師大牢一豕七羊五樂六奏舞六佾先日釋奠於崇聖祠

豐城縣志

卷五

學制

十八

祭畢祀名宦鄉賢二祠

康熙三十八年

詔各學設樂器

雍正三年奉部頒禮樂圖籍

乾隆九年頒祭樂二器

禮器

舊貯西廡庫房簋尊爵鉶鼎皆磁製自撤庫房後器遂殘缺不備

簋

數百一 簋 數百一 籩 數二百 豆 數二百 登 數百三

犧尊

數六 象尊 數十 大尊 數二 山尊 數二 壺尊 數六 著尊 數二 罍 數二 爵

數百一

洗 數二 坩 數十八 勺 數十八 雲雷尊 筐 數十 龍冪籩

巾

數四十八 尊冪 數八 鉶 數三 盥盤架 盥盤 帨巾 燭

臺 鼎 祝版

樂器 舊貯西廡庫內今更破壞無一可陳列者

麾旛 二架 升龍降龍 應鼓 鼗鼓 笛 簫 捕拊

祝 敵 編磬 編鐘 笙 鳳簫 琴 瑟 箎

塤 管 旌 設東西兩階舞生執之以導舞

樂章

春祭夾鍾為宮倍應鍾起調秋祭南呂為宮仲呂起調

凡樂以月律為宮下羽起調畢曲春夾鍾宮二月卯律也秋南呂宮八月酉律也

豐城縣志

卷五

學制

十九

迎神樂奏昭平之章 無舞

羽宮商角 大哉孔子 先羽徵先角知 與宮商徵角 萬羽徵角角
角徵宮商 祥徵麟紘 韻宮徵羽徵 宮商羽角 宮商宮羽

初獻樂奏宣平之章 有舞

羽宮商角 予懷明德 玉徵宮羽徵 生商宮徵角 展宮商角商
角徵羽角 俎豆千古 商商角上丁 羽徵宮羽 其宮商宮羽
春秋上丁 清酒既載

亞獻樂奏秩平之章 有舞

羽宮商角 式禮莫愆 升堂再獻 響協鼗鏞 誠孚壘獻
角角商商 肅肅雍雍 譽髦斯彥 禮陶樂淑 相觀而善

終獻樂奏敘平之章 有舞

羽宮角商 徵角宮商 角徵羽角 惟天牖民 惟聖時若 彝倫攸敘 至今木鐸

徹饌樂奏懿平之章 無舞

羽宮商角 羽徵羽角 宮羽角徵 禮成告徹 毋疏毋瀆 樂所自生 中原有菽

送神樂奏德平之章 無舞

羽宮商角 徵羽宮商 徵角角徵 角徵羽角 肅昭祀事 祀事孔明 化我蒸民 育我膠庠

崇聖祠祭文

維

王奕葉鍾祥光開聖緒盛德之後積久彌昌凡聲教所覃敷

率循源而溯本宜肅明禋之典用申守土之忱茲屆仲春秋

聿修祀事

文廟祭文

維

先師德隆千聖道冠百王揭日月以常行自生民所未有屬

文教昌明之會正禮和樂節之時璧雍鐘鼓咸恪薦於馨

香泮水膠庠益致嚴於籩豆茲當春仲祗率彝章肅展微

忱聿將祀典

廟祀及陳設各圖

崇聖祠

昌聖王伯夏公
裕聖王祈父公
肇聖王木金父公
詒聖王防叔公
啟聖王叔梁公

先賢孔氏
先賢顏氏
先賢孔孟皮

先儒蔡楚
先儒程响
先儒周輔臣

先賢曾氏
先賢孟氏

先儒朱松
先儒張迪

豐城縣志

卷之五

學

二十一

大成殿

至聖先師孔子

復聖顏子

述聖子思子

子園
子母
子端
子仲
子小
子有

宗聖曾子

亞聖孟子

子冉
子宰
子冉
子言
子顓孫
子朱

東廡先賢四十位

邵程頤 周敦頤 樂正克 故皮 縣高 顏何 類喻 秦非 步叔 張乘 陳元 吳 公西 與如 叔仲 會 廉潔 原充 鄭國 左人 鄧 繁斯 罕虎 黑 邱單 公肩 定 公良 儒 任不 齊 公西 赤 漆雕 咳 漆雕 徒父 冉季 伯虔 冉雍 冉雍 梁 司馬 耕 漆雕 開 商 躍 漆雕 開 南宮 造 林放 孫倫 公孫 倫

程頤 張載 公孫 丑 公明 儀 秦冉 左邱 明 中 張 施之 常 顏之 僕 公西 藏 孔忠 狄黑 樂欬 燕 叔 公祖 句 茲 縣成 秦祖 秦祖 句 疆 句井 疆 顏祖 藏 奚處 後 公夏 首 石作 蜀 虞駟 赤 顏高 顏高 秦高 秦高 龍 曹郵 辛 顏辛 施 巫馬 施 商澤 施 樊須 施 高柴 施 高智 哀 公治 長 宓不 齊 澹臺 滅 蓬瑗 明

西廡先賢二十九位

豐城縣志

卷之五

學制

東廡先儒三十一位

陸隴其 孫奇逢 劉宗周 呂柟 羅欽順 胡居仁 薛瑄 方孝孺 陳浩 金履祥 趙復 文天祥 何基 真德秀 陳涪 陸九淵 張栻 李綱 羅從彥 謝良佐 司馬光 歐陽修 范仲淹 陸贄 范甯 鄭康成 后蒼 孔安國 毛亨 伏勝 公羊高

西廡先儒三十一位

湯斌 黃道周 呂坤 王守仁 蔡清 陳憲章 曹端 許謙 吳澄 許衡 陸秀夫 王柏 魏了翁 蔡沈 黃幹 袁燮 呂祖謙 李侗 國 胡安 尹焞 楊時 韓琦 韓愈 王通 諸葛亮 杜子春 毛萇 董仲舒 高堂生 穀梁赤

崇聖祠正位帛

爵 爵 爵

和羹 和羹

白餅 棗 菱 芡 鹿脯
黑餅 黍 稻 粱 粟
脾肝 菹 醢 醢 醢 醢
豚胎 兔醢 兔醢 兔醢 兔醢

筍 菹 鹿醢 魚醢
醢 醢 醢 醢
棗 栗

豕 羊

小燭 燭 香 燭

尊案

配享位爵

和羹

栗 鹿脯 鹽 棗 黍 猪首 稷 兔醢 菹 鹿醢

小燭 小燭

帛

饌盤

獻爵 燭 獻爵 香 獻爵 燭

先師位帛

爵
銅和羹

爵
登大羹

爵
銅和羹

邊

白餅
黑餅

鹽

菱

芡

鹿脯

黍

稻

棗

栗

簋

稷

梁

羊

牛

豆

蕡

藟

魚醢

鹿醢

豕
燭

俎

香

羊
燭

小燭

小燭

置帛置罇案

讀祝案

每位一壇

四配位帛

爵
爵
爵

稷
稷

白餅
黑餅

榛

菱

芡

鹿脯

形鹽

藟

棗

栗

黍

稻

稷

梁

蕡

藟

蕡

藟

蕡

魚醢

脾肝

豚胎

蕡

魚醢

豕
羊

小燭

小燭

燭
香
燭

饌盤

每位一壇

獻官拜位東西各一壇

十哲位

爵 和羹

栗 鹿脯

醢 棗

黍 小燭

豕肉 小燭

稷 小燭

蕡 鹿醢

芹菹 兔醢

帛

獻爵 獻爵 獻爵
燭 香 燭

饌盤

豐城縣志

卷五

學制

二十五

每四位一壇

獻官拜位每廡三壇

神位 爵

栗 鹿脯 豕肉

神位 爵

黍 醢 棗 豕肉

兩廡

神位 爵

稷 蕡 鹿醢 豕肉

神位 爵

芹菹 兔醢 豕肉

饌盤

帛 獻爵 香

獻爵 燭

名宦祠祀

晉雷煥 縣令

唐柳渾 縣令

南唐馮儀 縣令

宋程璠 縣令 楊告 主簿 宋咸 縣尉 雷繼遠 縣令

胡璉 縣令 劉韜 縣尉 劉卿月 縣令

元賈全 州尹 陳元凱 州尹 高復禮 州尹

明史彬 吏目 林弼 知縣 何昭善 縣丞 鄭子朝 知縣

柴璘 訓導 鄭嘉 教諭 黃燧 主簿 尙禔 知縣

劉燧 知縣 周鳴鶴 訓導 沈熺 知縣 顧泌 知縣

豐城縣志

卷之五

學制

二十六

王天性 府判署知縣 李國士 知縣 馮起綸 知縣

謝龍文 知縣 王英 知縣 朱諫 知縣 吳嘉聰 知縣

李廷聰 知縣 何洽 知縣 徐揚先 知縣 顧九思 知縣

曹大川 知縣

國朝白潢 大學士前巡撫江西 何士錦 知縣 陶澍 兩江總督

鄉賢祠祀

漢徐穉 高士

唐王季友 御史

南唐王子邳 御史

宋劉充 提刑陸筠 參議盛温 如奉節于革 知州

胡大訓鄉進士江端本御史孫發崇仁尉揭來成鄉貢學士

徐鹿卿禮部尚書據府志補入

元揭傒斯集賢士甘惟寅處士

明朱善大學士劉秩知州黃宗載吏部尚書熊直翰林

史安禮部郎中羅貴素按察僉事孫曰良副都御史丁鉉刑部尚書

夏希純藩參雷誠知府徐懋昭翰林丁倬知縣

范衷知州孫曰恭侍讀學士曹壽修撰孫昌助教

丁俊御史甘瑛知府杜參知州孫儼按察僉事

劉華甫知府黃節大僕少卿涂謙按察使丁傑徵士

杜立知府范鏞按察使李瓛副使楊崇知府

豐城縣志 卷之五 學制 二十七

李裕吏部尚書楊瑄按察使涂觀知府熊懷刑部侍郎

涂棐副使丁璐參政游明督學副使黃琥參政

江潭工部郎中楊廉禮部尚書黎芳學正李漢都給事

范兆祥檢討熊卓監察御史釗員外郎朱槩參政

吳祺巡撫雷述通判贈給事中楊璉贈府尹

楊銓府尹高宇知府楊源靈臺郎郭希顏中允

李萬平贈尚書李遂兵部尚書雷禮工部尚書孫世祐侍郎

李璣禮部尚書范慶按察副使徐南金巡撫胡杰太常寺卿

黃時濟知縣李枳御史李東華都給事夏枳大僕寺少卿

李瓚知縣李貴按察副使李材都御史游季勳府尹

徐燧贈副使徐卽登副使范謙禮部尚書李萬清贈知縣

李琯按察使熊廷相知府李復陽通政李啟美翰林檢討

熊惟廣贈給事熊鳴夏給事熊廷用贈侍郎熊尙文工部尙書

范梅知府黎汴通判李右諫太僕寺卿羅棟給事

唐良臣贈尙書唐大章禮部尙書熊鳴岐布政徐縞贈御史

徐鑿太僕寺卿邱士毅禮部尙書楊惟相員外郎李維喬知縣

黃大受兵部職方司羅憲凱知縣朱道光知縣

雷化麟大參楊惟休通判羅文炳贈中允羅大任祭酒

國朝甘文奎光祿寺卿熊駿贈同知陸履敬進士丁文達贈參議

丁蕙參議李深贈郎中李雲會郎中毛輝鳳知縣

豐城縣志

卷之五

學制

二十八

清查祠中木主三十人據名另補

宋周鶚參政李秉刺史鄒揚知縣鄒邁僉判

李修己知州李恕己知州李義山豐城男徐經孫豐城伯

鄒祥正司戶湯體仁廉訪周彥約參政熊汝扈主簿

熊發經歷

元揭泐翰林直學士

明袁海知府鄔在恭御史任禮布政任簡教授

袁禎御史李延廣西副使周相知縣熊一定知州

熊一中推官李逢知府雷賀巡撫副都御史

涂鉉知府黃檜封員外郎黃焯按察副使熊培元知縣

溫 潤教諭

外

李 彬

按明史彬本傳實係鳳陽人卽伊祖父亦繫之鳳陽未知何据入祀或以其曾爵豐城侯因摭爲豐人歟姑存之并識於此

學額

縣舊額入文武學各十五名雍正二年呈請增廣文學五名共入文學二十名武學十五名

咸豐七年邑紳民捐輸礮船經費奏請加永遠文武定

豐城縣志

卷之五

學制

二十九

額各一名又廣一次學額四名

九年邑紳民捐輸軍餉奏請加永遠文武定額各四名又廣一次學額四名

同治二年邑紳民捐輸團練經費奏請加永遠文武定額各五名共入文學三十名武學二十五名又廣一次學額九十五名

三年邑紳民捐輸軍餉奏請加廣一次學額三十五名又邑流寓湖南紳商捐輸奏請廣一次學額十六名

學田

舊學田

宋閩帥半稼軒以腴田五百七十餘畝施於龍興路學歲來徵租者多被溺因付本學令學甲

五人掌之後逋負甚多復付本縣徵輸召民佃種糧及
各戶每田一畝載官糧租七斗四升九合輪納於縣書
縣令胡璉增養上田以後代有捐者至萬歷間議毀書
院變學田則前田俱賣所存者惟楊文恪廉捐上田三
十九畝七分八釐四毫二絲一丁一舍四果計上田七
三工在二坊金華山地方分坐五竹山考坑李坊下嶺四
處儒學存冊戶籍二坊十三都五圖丁孔庠楊孔庠糧
歸佃戶完納租歸學費及丁楊後裔考試冊折收租錢百
文除開銷往來盤費及丁楊後裔考試冊折收租錢百
二十一學憲散給廩生逢歲兩考易銀十封固請學用印
申解學憲散給廩生逢歲兩考易銀十封固請學用印
解銀兩經儒學教諭薛訓導漆稟請學憲飭縣經收
解歸禮房承辦

修學田九十八工四分坐落一宗以所施大明寺業歸學為

修理文廟之費乾隆十六年蔣復以留贍大明寺
田十七工五分併歸修學兩學獎義免其束脩冊費

又修學田三十七畝六分坐落范昌珍於乾隆五十二年五

豐城縣志 卷之五 學田 三十

十三年捐為修理文廟之費

又修學田九畝三分係五坊徐芝化於嘉慶二年捐為

又修學田十六畝零坐落五坊九都圍內梅岡地方乾

入修學嘉慶二十一年契糧併歸修學戶

學田十四畝六分坐落三河口湘岐湖地方五坊袁生

又學田九工三角坐落四橋羅坑地方四坊李羽老於

又學田四十三工三角坐落四坊杜家圍之東源坑邑

又學田二十四畝四分坐落三河口之魚池口南昌監

又學名堂皂田十八工一角在東關外準提庵地方道

李紹寶之妻增貢生培本之母丁氏捐於學名堂為
門斗辦公經費計漕米三斗九升七合過入學名堂

戶內契存
學名堂

文昌宮祀田五十二畝六分

坐落二坊胥家山庄屋四年所

十年龍山書院經首事陸如院斗等清出公同酌議并歸

先師誕辰

文帝誕辰及文昌宮書院香火灑

掃之餘費每年收租書院首事帶管另立簿據核算如有

贏餘仍歸書院膏火料理香火灑掃院斗兼司附近紳

學業

齋舍

舊有居仁由義二齋列明倫堂東西明成化時知

增建嘉靖三十七年知縣曹大川修葺西號舍景泰三

年知縣張敬購西邊民居劉姓地廣袤計二十三丈有

六尺建學舍三十二間餘為蔬圃外塘約廣二畝匾名

豐城縣志

卷之五

學制

三十一

舊按云豐學自宋紹興遷建以來先後賢令增養士

秋補試者二千人有明一代尤為人文輩出興學造

名

殿南屏牆外地

直抵連珠湖岸橫廣十數丈

儒學門前地

乾隆四年購自夏姓直長四丈有奇橫廣

儒學西偏地

前抵街後抵學背湖西廡僚垣外約廣十

射圃亭

明洪武十年知縣齊景明建正統二年徙學前

東南隅前街後湖橫廣五丈前為知縣房廷楨所建正

連珠湖

在學前直抵城下橫廣十畝許俗名蓮湖乃文

風水害雷太保禮力請吳達可堵塞併濬通明溝科第

復盛後有從城下開渠灌田致洩元氣宜禁止近又洪

水淤塞變湖為田以致公車連年不利為風水大患有
心培植者須呈請當道開溝濬湖則造福靡既矣

魚塘二在學前連珠湖北

射圃湖在舊射圃南正中

學背湖在學宮後三湖聯絡如蛛絲結網俗名蜘蛛湖

敖家湖即官湖在城西右界河堤左界楊柳湖魚利歸

株湖在宣風鄉地名吳城賽頭溉田千畝歷來魚利歸

考試卷費二項一元銀叁千兩篠塘李棠於嘉慶十九

年捐為合縣文童縣府院三試卷價旋

因知縣華希高借填民欠道光二年邑士呈明知縣

徐清選詳請上憲攤派墊補發典生息以原捐市

平元銀七五兌扣庫平紋銀貳千貳百五十兩周年

壹分貳釐行息計每年該息庫平紋銀貳百柒拾兩

四足錢壹千千文篠塘李翔千於道光三年八月捐

豐城縣志

卷之五

學業

為武童試卷及鄉場文武科生試卷案存兵科價

同治二年職員周堂和捐錢三百串辦本年卷價

慎文協武卷價并書院膏火舊原分存恆源復善鼎元

院派費籍惟恆源復善繳還原本咸豐八年修理貢

歛足錢六百千文并恆源復善所繳支給各款餘費

經邑紳稟請關追鼎元以原典房花廳旁店廚房共

三所抵繳今概歸賓興會慎德亦以秀才埠典房抵

百咸豐十一年屢遭兵燹遂以遺址變價得足錢二

勸未繳分文同治二年合邑經理團防餘費并各坊

賓興會同治三年合邑團防餘費并各坊勸捐立購

都新館詳興建置門每年各款支給及輪流管理俱有

定章詳賓興會簿記

附護理巡撫孫奏稿
為豐城縣紳民辦理團練捐輸防勦經費請
旨勅部分別議敘並加廣文武學額以昭激勸恭摺具陳仰
祈

聖鑒事竊查前准戶部咨欽奉
上諭嗣後各省捐輸團練各官紳祇准議給虛銜封典加級
紀錄等項不得一再請實在官階以示限制捐費若干現行
常例加四分之一再核算並由該督撫先將捐費若干現行
數若干起此日止日期支銷數目報部核銷再行奏請給獎
等因欽此茲查豐城縣紳民自逆匪竄擾江境以來崇
助經費募集壯勇隨同官軍收復城池並越境攻克
仁縣城殺賊立功著成效非僅自衛村莊可比所有
支給勇糧及製造軍械等項共用銀二十九萬七千九
百九十八兩零業經該縣將團練勇數起止日期暨支
銷細數造冊送局詳經撫臣沈葆楨咨達戶部核銷在案茲
據該縣將捐輸各戶造具清冊呈由總局司道核明詳
請具奏前來臣查豐城縣紳民募勇團練收復城池並
越境攻克崇仁縣城所需經費概由紳富捐輸各戶願得貢
監用正欵洵屬典加級者自應欽遵
廣額奏稿

豐城縣志

卷之五

廣額奏稿

三十三

諭旨照常例銀數各加四分之一請獎臣謹將合例應敘各
捐生開列清單恭呈

御覽至所捐經費除外屬紳民捐數不計外本邑紳民共捐

二十九萬一千四百六十三兩零內以五萬兩加廣該縣永

昌府學永遠文武學額各十名又以十四萬兩加廣該縣一

遠文武學額各七十名以廣

武學額各七十名以廣

皇仁而作士氣其歲科兩試應如何分屆進取聽候部示遵

辦餘銀一千四百六十三兩零容候該縣籍貫履歷清

輸歸併辦除將紳民捐輸數目及年貌籍貫履歷清

冊送部外理合會同協辦大學士兩江總督臣曾

恭摺具奏伏乞

聖鑒勅部核覆施行謹奏

戶部核覆施行謹奏

臣等查團練捐輸核獎經臣部於同治元年十二月十

四日酌擬新章奏奉

諭旨祇准議給虛銜封典加級紀錄不得專請實在官階捐

項照現行常例加四分之一日期支銷數目報部核銷再行

賞若干勇數若干起此欽遵在案今據江西署撫臣孫

奏請給獎等因欽此欽遵在案今據江西署撫臣孫

將豐城縣紳民捐輸團練共銀二十九萬餘兩開單
奏請給獎前來臣等督飭司員逐一核算報銷數目與
請獎銀數均屬相符所有該紳民等捐請各項職銜封
典貢監生銀數與例亦屬相符自應准照所請優予獎

敘以昭激勸謹繕清單恭呈

御覽如蒙

俞允即由臣部移咨吏兵二部暨國子監迅繕執照發交該
縣文武學額再由臣部會同禮兵二部另行核辦覆奏

皇上

聖鑒謹奏
奉

旨依議欽此

豐城縣志

卷之五

廣額奏稿

三十四

書院 社學附

龍山書院

舊在曲江磯頭山宋朱子及李義山姚勉前

為講學後為文昌閣李基記其事乾隆三十七年知縣于崇勅以其地隘勸邑紳耆捐貲於儒學教諭署西龍門書院故址重建仍顏曰龍山書院禮部主事袁守定有記見藝文

書院舊田

一賴塘早田壹百捌工壹分肆釐

租壹百陸拾叁石貳斗貳升玖勺

晚田叁拾叁工柒分柒釐

租伍拾壹石貳升捌合伍勺

一朱溪上竹園二處早田肆拾伍工貳角半

租玖拾肆石柒斗伍

升

晚田拾工貳角半

租貳拾貳石貳斗伍升

豐城縣志

卷之五

書院

三十五

一緱坑澤上下山三處早田柒拾伍工貳角

租壹百肆拾叁石陸

斗

晚田捌拾伍工

租壹百陸拾肆石捌斗玖升

查此項學田規制號畝悉載學田紀畧雍正十二年知縣劉象賢酌定每歲田租令歲科一等三名生員收管繳存公署為延請書院掌教俸資及歲科兩試獎賞大比年舟車卷價併龍山住持僧飯食乾隆十六年知縣滿以經收有名無實詳歸官收銷算悉照舊例

續置書院田

一楓巖早田伍拾工零陸分肆釐

租柒拾叁石柒斗肆升肆合

晚田玖拾伍工玖分貳釐

租壹百叁拾柒石壹斗叁升叁合

一水西早田肆拾伍工肆分柒釐

租肆拾柒石伍斗壹升柒合

晚田柒拾叁工陸分 租柒拾捌石肆斗柒升

一中村早田貳拾肆工肆分 租叁拾肆石壹斗陸升

晚田貳拾玖工玖分 租肆拾壹石捌斗陸升

一瓦屋早田貳拾壹工捌分 租貳拾捌石叁斗肆升

晚田拾玖工捌分 租貳拾伍石貳斗貳升

一余坊早田肆拾叁工伍分 租伍拾捌石零伍升

晚田肆拾工零叁分 租伍拾壹石壹斗壹升

一高樓溪早田晚田荒田共柒拾壹工伍分壹釐 共租伍拾

柴石肆斗柒升伍合

以上早晚田通計伍百壹拾餘工係乾隆年間改建書院續置嘉慶二年租簿載明早晚租穀陸百餘石

豐城縣志 卷之五 書院 三十六

首事陸如照等收用聯票畧有起色惟積重難返尚望賢有司留心整飭各紳士協力維持庶有濟耳

一根篾洲官地貳頃玖畝伍分零 舊額收租錢壹百千

長束脩近洲地日生又當丈畝核實以杜欺隱以給公費

一屈家洲官地貳百零肆畝 租銀廿肆兩肆錢捌分扣

一鐵爐頭晚田叁畝柒分 每歲分禾穀石斗并莊屋園地同治癸酉李日栢捐

一溫家圳港東中洲田壹百捌拾餘畝港西斫草洲肆

拾餘畝共田貳百貳拾伍畝零

此田係兩岸潮生新洲胡源聚等與溫永泰周的三等互爭致訟經審以公地私墾斷歸書院署任知縣龔復審斷令溫周二姓繳價銀捌百兩以陸百兩存典生息為書院公費餘銀修堤歸溫周二姓為業胡源聚上控布政司批府委員覆勘提訊斷令此田仍歸書院充公飭將溫永泰呈繳存典銀陸百兩解

府給令領回其開銷墻工餘銀俟召佃承種後即於田租內分作兩年給還但案懸未結承佃無人不能無望於賢有司之區處耳

一七坊金坊金后八義捐早田拾工半係得買江軒七業糧未過割現

在清釐

一一坊六都五圖四甲西邊早田叁號一叁石伍斗一

貳工一貳石柒斗又晚田壹號叁石叁斗道光四年一都聶功

美捐

龍山書院存留膏火錢肆千貳百千文道光四年合邑士民義捐交貯

典商按月壹分生息不計閏案存禮科知縣徐清選有記

按書院膏火舊原與文武卷價分存六典後遭兵燹追繳有差詳卷價條內惟慎德典房以遺址變價得

豐城縣志

卷之五

書院

三十七

足錢二百六十千文歸書院收領現於城內購買店房一所以助膏火同治三年合邑新立賓興會酌議

每年會給膏火貳錢壹百伍拾千文又縣尹每年於地丁項下雜款內每兩撥錢五文飲助膏火邑侯張有記

社學

一在府館北即城隍廟西今廢

一在清都觀西今廢

房公講堂 在儒學東康熙八年知縣房廷楨建

近聖樓

在房公講堂旁順治十二年知縣宗彝建會諸生課學其中今移房公講堂後即訓導署

龍門書院

在儒學西明崇正問知縣謝龍文建圮今建龍山書院

龍光書院

在儒學西二百步有講堂扁曰聖學心傳有室有廊廡有儀門有坊牌嘉靖徐督學一鳴

命知縣沈煒創建二十八年知縣韓弼重葺今改爲韓公祠

劍浦書舍 在正法寺東圮按通志有寶修書堂在正法寺左明隆慶間參議徐用檢建疑卽此處

蔡公講堂 在治西大街爲知縣蔡毓華建今改萬壽宮

劍江書院 在治東康熙年間知縣何士錦講學之所乾隆七年知縣朱懷栻爲建關帝廟

盛家洲書院 在治東藍家巷宋盛溫如建朱子過訪有詩見藝文久圮嘉慶十年邑人於洲前

建亭誌其遺跡道光四年縣丞姚敏德修葺立碑篆朱子訪盛傑士處七字并勒朱子詩自爲記

徐孺子書院 在櫛山南一名讀書臺

蓮溪書院 在籐塘宋李琮建延邑賢周諤講學於此院臨蓮池故名李南素有記

古龍光書院 在榮塘劍池廟側宋紹興間邑人陳自俛創高宗賜額前立頭門中設大殿祀

先師像後建六經樓仰止堂左爲講堂右爲規戒堂四方就學者三百餘人悉廩之朱子過書院留居一月元

豐城縣志 卷之五 書院 三十八

至正間裔孫陳必强宗强修歐陽元篆額明末燹後陳氏重新之

龍澤書院 在櫛山舊爲王季友祠南唐王子邳建宋雷宜中改建書院

石峯書院 在梅仙鄉石牛峯下大霄觀側里人陳友沅創爲講學之所

敷山書院 在同造里宋邑人孫餘慶建揭傒斯記道光三年生員孫金等移建敷山下

貞文書院 在長甯鄉揭傒斯請於朝爲父來成立制如學宮選學官爲山長主之歐陽元記見藝文

任長甯鄉元揭息建制如貞文書院吳澄記見藝文

橙溪書院 劉漢廣建

同文書院 在湖茫元李克家王季常建趙文記見藝文

城南書屋 在荷塘羅懷玉建金幼孜記圮

荷塘書院 在荷塘黃得中建黃宗載記圮

劍東義館 在袁坊明嘉靖四十年袁伯明建前為樂育堂後為養善堂又後為號舍四左右翼以號舍十二庖廩舍十五井釜皆具捐腴田二百二十畝給學者費

羅山書院 在湖茫明嘉靖間李遂建

蓮槎書堂 在槎焮蓮花寺內李材建

吳臯清墅 李材講學之所

獅山書院 在縣西南一坊八都一圖乾隆三十三年本坊公建敖宗瑚記見藝文

麟山義塾 在四坊石灘里長埠

綠野別墅 在四坊瓘山龍溪頭松山下處士熊正盛建邑人羅拔記督學汪廷珍書後

九都義塾 在一坊九都三圖公建有贍學田呂新記

興賢義塾 在四坊邵坊

豐城縣志

卷之五

社學

逢原書院 在八坊八十一都三圖熊莊道光三年本坊義士捐建碑勒書院知縣徐清選有記

梅莊義塾 在縣治西南三湖舫側李仲止建今圯

南湖書院 在縣治西南陸茄湖明李裕建今圯

鳳山書院 在縣西南六十里二坊公建坊紳曾廷楹倡捐足錢壹千串中有文昌宮坊紳曾廷梁捐

建知縣王明璠有記

獅麓書院 在縣南五十里三坊洛湖橋合鄉捐建

鵬搏書院 在二坊十八都同治六年副貢李時逢把總李時融聶金鏞倡首捐建

象山義塾 在二坊長樂鄉二十二都公建

西堂遺韻 在四坊槎村范正明范時修建

義莊遺範 在四坊上郊范展也建